

Gvangjsih Minzcuz Bau

ganbbau: CN45-0036 B.2014 Nd.1 Ng.29 liggaueq gveiqceib nienz ndwenlabngeihgouj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3109期

Cungzcoj: Dangdieg Minzsuz Vwnzva Lijyouz Henhoh Haifat Ok Cwngzyau

崇左:本土民俗文化旅游保护开发显成效

Bi' gvaq, Cungzcoj Si gyarengz vatgud nem senhconz vwnzva dangdieg, mboujduenh fazcanj minzcuz vwnzva canjyez, gyavaiq doidoengh haifat vwnzva lijyouz canjbinj, faexhoengz, denhginz vwnzva, vehdat Byaraiz, veh-ganjhaeux daengj buek minzsuz vwnzva henzguk nem feihvuzciz vwnzva yizcanj yaek raeglaemz de ndaej henhoh nem swncienz haemq ndei.

Dangqnaj, aen Bingzsiengz Faexhoengz Vwnzva Canjyeyenz roengzngaenz 15 ik maenz de cingqsik haigoeng, daengx si doenghboux gai faexhoengz de miz 1000 lai ranz, bi gaicawx mauhgvaq

30 ik maenz. Lungzcuh Yen doeng-gvaq coengh Lungzcuh Denhginz cujlwgmbwk caeuq mizgven zozyau, vwnzyi sedonz cauxguh cezmuz denhginz, ingguh bouh denyengj Bouxcuengh heuhguh 《Denhginz》. Doengzseiz, aen yienh neix laebbaenz Lungzcuh Denhginz Cauxguh Cangj, baenz buek doq denhginz, denhginz gaeng baenz cungj “gunghyibinj youq Gvangjsih cei ndaej vunz maij” ndeu. Bi' gvaq, aen si neix roengz cienz rengz guh hong vih Byaraiz bauq teihyiz, gyoepsuenq roengz gij cienzngaenz henhoh, yenzgiu Byaraiz nem vih Byaraiz bauq feihyiz de 6920 fanh maenz, ceng ndaej lied haeuj ndaw hanghmoeg 2016 nienz

Cungguk bauq feihyiz de bae. Doenghgij vehganjhaeux aeu vehdat henz Dahcojgyangh, Lozyez vwnzva, gingj bya raemx daengj gij vwnzva Cungzcoj guh neiyungz de gyaciz gyahwnj gig lai, daengx bi veh baenz 1000 lai fuk, gai doh daengx guk, souhaeuj haemq lai. Doengzseiz, aen si neix gyarengz guh hong bujcaz, gungh soucomz gij riz feihyiz 8155 giz, caz hanghmoeg 200 aen. Daengx si gunghbu feihvuzciz vwnzva yizcanj mingzloeg 34 aen, ndawde《Fwencuengh Dahcojgyangh》、《Denhginz Yisuz》、《Ndangdaenj Yauzcuz》daengj 11 hangh ndaej lied haeuj swcigih henhoh hanghmoeg.

(Liuz Cinghveiz)

Lungzswng: Banh Vwnzdij Hozdung Angqcoux Cieng Moq

龙胜:举办系列文体活动喜迎新春



Cieng yaek daengz lo, Lungzswng Gak Cuz Swciyen couh hainduj banh buek vwnzva dijuz hozdung ndeu, baugvat lajmbanj yezyiz vwnzyi comzyienj, saujsu minzcuz conzdungj dijuz yindungvei daengj, hawj vunzlai sim hai naj riu angqvauvau dwk gvaq cieng. 2 nyied 21 hauh, aen yienh neix heijguh 2014 nienz “gij siengjmuengh Cungguk raeuz” cieng moq vwnzyi vanjvei liebyienj hozdung. Ndaw doz dwg youq hozdung yienhciegz, doenghboux yenjyenz dangdieg cingq yienj gij vwnzyi cezmuz miz daegdaek minzcuz de.

(Siz Nungzbingh Gyaj Libingz ingj)

Lingzyinz Yen Minzcuzgiz Cizgiz Coengh Doengh-boux Gungzhoj Mbanj Yauzcuz Gaij Saeh Hoj

凌云县民族局积极为瑶族村困难群众排忧解难

Lingzyinz Yen Minzcuzgiz itsim naemj bangcoengh vunzlai, caemh vunzlai ngeix, doengz vunzlai naemj, lai baez daengz mbanj Yauzcuz yawj cam caz, coengh gij cunh, mbanj saujsu minzcuz gyae de gaijgez swnghhoz vwndiz, hawj vunz cunh, mbanj saujsu minzcuz gyae de guhhong nem gvaq ndaej onj ndei.

Bi' gvaq, aen giz neix yienz-naeuz cienzngaenz siuj, hoeng, lij

bued gij cienzngaenz guh hong minzcuz de 35156 maenz, coengh Sahlij Yauzcuz Yangh Gojbuji Cuh coih roen coih zozyau, coengh Cauzlij Yauzcuz Yangh Nazbah Cuh Mbanjnabaz daengj 13 aen cunh, mbanj saujsu minzcuz doenghboux vunzmbanj de gaijgez nanzdaez. Ndawde, bued 8000 maenz coengh Sahlij Yauzcuz Yangh Gojbuji Cuh coih roen coih zozyau, bued 3000

maenz coengh Cauzlij Yauzcuz Yangh Nazbah Cuh guh cietgingq minzsuz, bued 3000 maenz hawj Swcwnz Cin Houlungz Cuh Beilungz Yauzgohvei, bued 3156 maenz hawj Swcwnz Cin Binjcunh cunhbu cieq daeng beng sienq cawx doxgaiq nem 18000 maenz hawj aen cunh neix guh 11 aen daemznapnyaj. Gijneix ndaej vunzlai caez haenndei.

(Loz Caijginz)

SIUSIK DINJ

简讯

● Bi' gvaq, Nazboh Yen vih Gvangjsih Gauhsanh Genj Swhcouz Youjhan Gunghsw h fat cienzngaenz diep leihsik 29.14 fanh maenz, neix couh naeuz ndaw yienh neix miz minzcuz mouyi canjbinj giyez ndaej daigvanj diep leihsik lo.

(Vangz Bizvaz)

● Bi' gvaq, Yungzanh Yen ndaem 8 fanh moux makgamgaet, daengx bi ndaej sou makgamgaet 7 fanh dun, bi canjiz mauhgvaq 3 ik maenz doxhwnj. 2011 nienz makgamgaet Yungzanh ndaej Guekgva Cizgenj Cunggiz baecinj guh “guekgva doenghgij canjbinj daibyaui ranghdieg”. Baenzneix ndaem makgamgaet couh hawj vunzlai dangdieg ndaej laisou.

(Danz Gajhingh)

● Bi' gvaq soucou gvaq liux, Mungzsanh Yen Mungzsanh Cin Gauhyungz Cuh Ouh Hangunh doiq gvanbaz neix youq reihnaz hoengq ndaem byaek nem ciengx bit, daengz 12 nyied daej, gyoengqde youq ndaw naz hoengq ciengx 1200 lai duz bitmazyaz, dangqnaj dwg seiz okgyaeq, bingzyaenz moix ngoenz ndaej gyaeq 800 lai aen, ciuq aen maenz daengz 1.2 maenz suenq, dan hangh neix couh ndaej souhaeuj 1000 maenz.

(Gvanh Sinh)

● Lingzyinz Yen gig yawjnaek minzcuz doxgiet cinbu senhconz hozdung, daj bi' gvaq daeuj, aen yienh neix youq gij roen hung caeuq gij duenh roen youqgaenj gvaq mbanj Yauzcuz, zozyau, segih, giyez daengj de laebguh 16 gaiq baiz senhconz minzcuz doxgiet.

(Loz Caijginz)

Daengq Beixnuengx

Aenvih ndwencieng cuengq-gyaj, geiz bauqceij 2 nyied 5 hauh mbouj ok lo. Hoh gyoengq beixnuengx gvaq cieng angq-yangz vuenyungz!